

Alam Sekitar, Sosial dan Tadbir Urus (ESG)





Perjalanan LZS dalam bidang kelestarian bermula pada tahun 2023 dengan pelaksanaan pendekatan dan rangka kerja kelestarian, seiring dengan penerbitan laporan kelestarian berasingan yang pertama.

Sejak pengenalan prinsip ESG, LZS menunjukkan komitmen yang semakin kukuh terhadap pelan, inisiatif dan program kelestarian. Semua pihak dalam organisasi memainkan peranan aktif dalam menjayakan usaha ini dan hasilnya mula dirasai dalam bentuk impak positif terhadap komuniti yang dilayani.

Sebagai sebahagian daripada usaha ini, Rangka Kerja ESG LZS diselaraskan dengan aspirasi kelestarian serta Matlamat Pembangunan Mampan (SDG) yang diiktiraf di peringkat

global. Ia turut sejajar dengan hasrat LZS untuk menjadi institusi zakat yang mengamalkan piawaian pengurusan bertaraf antarabangsa. Rangka Kerja dan Hala Tuju ESG kini menjadi asas utama dalam operasi kami.

LZS telah merangka empat tema ESG utama dengan objektif yang jelas:

- Memberi khidmat kepada komuniti asnaf
- Menjunjung amanah dan integriti berlandaskan prinsip Syariah
- Membangunkan potensi dan keupayaan warga kerja
- Mempromosikan pemeliharaan alam sekitar melalui tindakan iklim

Kesemua tema ini membantu memberikan hala tuju yang jelas dalam mengenal pasti isu utama ESG yang perlu ditangani oleh LZS, serta

menyumbang secara bermakna ke arah pencapaian SDG terpilih.

LZS turut mengukur dan menilai keberkesanan inisiatif kelestarian melalui 11 perkara penting dalam operasi harian, dengan kerjasama strategik bersama rakan luar. Langkah-langkah strategik juga telah digariskan untuk

memastikan kemajuan dan pencapaian kekal berada di landasan kelestarian yang ditetapkan.

LZS memenangi *Organisation of the Year (Zakat Management)* yang dianugerahkan dalam *Sustainability and CSR Malaysia Awards 2024*

Pencapaian Utama Kelestarian

Sumbangan Sosial



RM1.19 Billion

Jumlah Agihan Kepada Asnaf 2024

60% daripada jumlah agihan diberikan kepada keluarga fakir dan miskin



RM194.2 Juta

Dibelanjakan untuk

Program Pembangunan Pendidikan



RM780.3 Juta

Dibelanjakan untuk

Program Pembangunan Sosial



77,872

Keluarga asnaf

Fakir, Miskin & Mualaf
yang dibantu



RM13.9 Juta

Dibelanjakan untuk

Program Pembangunan Ekonomi



565

Kakitangan menerima latihan berkaitan

Keselamatan dan Kesihatan Pekerjaan (OSH)



39,596 Jam

Jumlah jam latihan untuk

Kakitangan LZS

(61 jam setiap kakitangan)



50%

Wanita dalam

Pengurusan Tertinggi



5,081

Keluarga berjaya keluar dari status

Fakir/Miskin

Tadbir Urus

- Organisasi Zakat yang pertama di Malaysia yang melancarkan laporan kelestarian selaras dengan GRI dan SDG PBB
- Diperakui dengan ISO 9001:2015 Sistem Pengurusan Kualiti (SPK)
- Diperakui dengan ISO 37001:2016 Sistem Pengurusan Antirasuah (SPAR)
- Penyiapan profil tinjauan ESG untuk:
 - a. 300 Vendor
 - b. 100 Asnaf

Pemeliharaan Alam Sekitar



232 tCO₂e

Pelepasan GHG Skop 1



1,820 tCO₂e

Pelepasan GHG Skop 2



79,216 m³

Penggunaan Air



540 kg

Bahan Kitar semula



11%

Pengurangan penggunaan diesel berbanding tahun sebelumnya



3,302.56 GJ

Penggunaan tenaga tidak boleh baharu



8,465.95 GJ

Penggunaan tenaga elektrik yang diperoleh



15.44 GJ

Penggunaan tenaga boleh baharu



4,290 kWh

Tenaga solar dijana



3.32 tCO₂e

Pelepasan GHG dikurangkan



Anugerah

- *Organisation of the Year (Zakat Management)* dari *Sustainability and CSR Malaysia Award 2024*
- *AKPK Synergistic Collaborator Awards 2024* dari AKPK (Agensi Kaunseling dan Pengurusan Kredit)
- Pemenang, Anugerah Projek Terbaik Peringkat Kebangsaan dari PERKESO semasa Kongres Sinergi Sosial 2024
- 30 Teratas dalam *JCI Sustainable Development Awards 2024*

Kerjasama Strategik





Kerjasama strategik merupakan antara pemacu utama keberkesanan agihan dan kelestarian pengurusan zakat di LZS. Sepanjang tahun 2024, LZS terus memperkukuh jaringan bersama agensi kerajaan, badan korporat, institusi pendidikan, serta pertubuhan bukan kerajaan (NGO) bagi memperluas capaian dan impak bantuan kepada golongan asnaf. Melalui sinergi ini, pelaksanaan program menjadi lebih menyeluruh, tersusun dan lestari, membuktikan bahawa zakat mampu digerakkan secara bersepadu demi manfaat ummah yang lebih besar.

Di LZS, kami percaya bahawa kekuatan sebenar terletak pada kerjasama. Dengan sokongan rakan strategik dari pelbagai bidang – termasuk sektor korporat, NGO, institusi pendidikan dan agensi kerajaan – kami dapat melangkah lebih jauh dalam membantu golongan asnaf. Kerjasama yang terjalin ini bukan sekadar menyampaikan bantuan, tetapi turut menyemai

nilai perpaduan dan semangat komuniti. Setiap program yang dijalankan bersama bukan sahaja memberi kesan langsung kepada mereka yang memerlukan, malah turut merapatkan hubungan antara pelbagai pihak dalam masyarakat. Melalui pelbagai inisiatif seperti program CSR, kami berjaya menggabungkan kepakaran dan sumber daripada rakan strategik untuk mencapai matlamat yang dikongsi bersama – membina masa depan yang lebih baik untuk semua.

Apa yang paling kami hargai ialah semangat kebersamaan. Sokongan dan sumbangan yang diberi telah membuka ruang untuk meningkatkan kesedaran masyarakat tentang peranan zakat, di samping meluaskan capaian bantuan kami. Dengan usaha kolektif ini, kita bukan sahaja mencipta perubahan, tetapi membentuk impak yang berkekalan – demi kemajuan golongan asnaf dan kesejahteraan komuniti secara keseluruhan.





Rakan Kolaborasi

- Jabatan Pendidikan Negeri Selangor
- Jabatan Agama Islam Selangor (JAIS)
- Kementerian Pendidikan Malaysia
- PERKESO
- Permodalan Nasional Berhad (PNB)
- Kementerian Sumber Manusia (Kesuma)
- Food Institute Malaysia (FIM)
- Kementerian Pengajian Tinggi (KPT)
- Majlis Peperiksaan Malaysia (MPM)
- Hidayah Centre
- Pertubuhan Kebajikan Islam Malaysia (PERKIM)
- Institut Latihan Islam Dakwah Negeri Selangor (ILDAS)
- Jabatan Kemajuan Islam Malaysia (JAKIM)
- Jabatan Kebajikan Masyarakat (JKM)
- Agensi Antidadah Kebangsaan (AADK)
- Jabatan Kerja Sosial Perubatan
- Bahagian Pengurusan Masjid (JAIS)
- Penggerak Masyarakat Orang Asli (PMOA) JAKIM
- ICU Selangor
- MEDKAD Sdn. Bhd
- Pertubuhan Peladang Kawasan Kuala Langat (PPKKL)
- CENVIRO Berhad
- Pihak Masjid



Mencipta Nilai Bersama

Visi

Menjadi peneraju institusi zakat yang menitikberatkan isu sosial dalam strategi korporat.

Misi

Memberi bantuan kepada golongan memerlukan dengan penuh tanggungjawab, berteraskan nilai LZS.

Mencipta Nilai Bersama atau *Creating Shared Value (CSV)* merupakan pendekatan strategik LZS yang menggabungkan matlamat dan peluang perniagaan untuk mencipta nilai bersama yang mampan bagi masyarakat dan organisasi.

Objektif

- Memberi bantuan kepada golongan memerlukan dengan penuh tanggungjawab, berteraskan nilai LZS.
- Menggabungkan kepakaran dan aset korporat bagi menangani isu sosial
- Mewujudkan sinergi antara peluang perniagaan dan keperluan masyarakat

Nilai Teras

Kerjasama

Amanah

Empati

Komitmen

CSV dilaksanakan secara sistematik melalui tiga fasa:

- Rancang – Kenal pasti projek dan rancang sumber
- Buat – Laksanakan projek dengan strategi yang ditetapkan
- Lihat – Nilai impak projek dari sudut sosial, alam sekitar dan ekonomi

Contoh Projek CSV

Melalui CSV, LZS bukan hanya mengurus zakat secara efisien, tetapi juga mencipta nilai bersama melalui kerjasama strategik dengan

sektor korporat, NGO dan masyarakat demi kesejahteraan bersama.



PENDIDIKAN

Biasiswa Latihan Kemahiran



KESIHATAN

Rawatan Perubatan & Kempen Kesihatan



EKONOMI

Modal & Bimbingan Untuk Peniaga Kecil Asnaf



SOSIAL

Program Komuniti & Aktiviti Perpaduan Masyarakat

Kelas Intervensi 3M

Membaca, Menulis, Mengira

Kelas Intervensi Membaca LZS bertujuan untuk membantu anak-anak yang berasal dari keluarga B40 memperoleh kemahiran membaca. Inisiatif ini dibangunkan oleh LZS dan *Adab Youth Garage (AYG)*.

Pelajar dari lima cawangan terpilih, masing-masing dengan 50 pelajar, mengambil bahagian dalam kelas ini. Pelajar dibahagikan kepada dua kumpulan, dengan 25 pelajar dalam setiap kumpulan.



Cawangan yang terlibat ialah:

- PPR Kota Damansara (Perpustakaan @ AYG Kota Damansara)
- Pangsapuri Rimba Jaya (Garaj Belia MBSA)
- PPR Lembah Subang 1 (Y-Hub KBS Selangor)
- AYG kampung Bukit Cherakah
- AYG Taman Medan Jaya

Perpustakaan @ AYG Kota Damansara



Kelas Mengaji

Melalui inisiatif di bawah *Creating Shared Value (CSV)*, LZS komited memperluas akses pembelajaran Al-Quran kepada komuniti yang memerlukan, khususnya dalam kalangan asnaf. Program ini bukan sekadar membina celik huruf Al-Quran, tetapi juga memupuk kecintaan terhadap kalam Allah agar tiada yang tertinggal dalam mengecap nur hidayah.



Projek Kelas Mengaji ditambahkan dalam program 3M CSV sesi 2024/2025, dengan dimulakan di 3 lokasi utama Al-Biruni LZS terlebih dahulu sebagai permulaan program Kelas Mengaji. 3 Lokasi tersebut adalah:

- Al-Biruni Tanjung Karang
- Al-Biruni Puchong
- Al-Biruni Desa Mentari

Kumpulan sasaran Projek Kelas Mengaji ini adalah seramai 100 peserta dari kalangan anak-anak Asnaf dan B40. Peserta Projek Kelas

Mengaji dibimbing oleh tenaga pengajar khusus untuk kelas mengaji.

Projek Kelas Mengaji ini akan dilaksanakan **selama 12 bulan** iaitu sesi kelas akan mengambil masa selama **2 jam** tempoh bimbingan. Kelas akan dilaksanakan **3 kali sesi seminggu**. Modul yang akan digunakan dalam Projek Kelas Mengaji adalah Modul Iqra'.

Projek CAS (*Clean, Accessible & Sustainable*)

LZS telah membina tujuh unit tandas beserta bilik air dua pintu untuk kemudahan tandas yang bersih, selamat dan sanitasi yang berkualiti. Kemudahan ini dibina untuk meningkatkan keselesaan dan meningkatkan kualiti serta taraf hidup kawasan luar bandar.

Sebagai menyokong matlamat kelestarian LZS dalam meminimumkan impak terhadap alam sekitar dan inisiatif kecekapan tenaga, projek pembinaan tandas ini telah menggabungkan kemampanan dalam reka bentuknya:



1. Menggunakan sistem pencahayaan Lampu Solar LED yang beroperasi tanpa bekalan elektrik konvensional, sepenuhnya bergantung kepada tenaga matahari, serta dilengkapi dengan panel solar, sistem bateri simpanan tenaga dan sensor automatik untuk pengoperasian siang dan malam.
2. Menggunakan pencahayaan semula jadi dengan bumbung lutsinar polikarbonat untuk mengoptimumkan cahaya siang dan mengurangkan keperluan pencahayaan elektrik.
3. Projek ini menyediakan akses kepada sumber air bersih bagi penduduk tempatan untuk meningkatkan kualiti kehidupan yang sihat.

Projek ini telah berjaya membina 14 kemudahan asas di tujuh lokasi di sekitar Kampung Orang Asli Songkok, Batang Kali, Hulu Selangor, memanfaatkan lebih 100 penduduk daripada 30 keluarga. Pembinaan kemudahan ini bukan sahaja memenuhi keperluan sanitasi yang lebih bersih dan selesa tetapi juga menjamin kesejahteraan dan kesihatan masyarakat.